

Na osnovu Amandmana XXXVI. na Ustav Federacije Bosne i Hercegovine kojim je izmijenjen član IV.A.3.11. i član VI.A.4.17. Ustava Federacije Bosne i Hercegovine („Službene novine Federacije BiH“, br. 1/94, 13/97, 16/02, 22/02, 52/02, 18/03, 63/03, 9/04, 20/04, 33/04, 71/05, 72/05 i 88/08) i člana 143. stav 5. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09), Dom naroda Parlamenta Federacije Bosne i Hercegovine je na sjednici održanoj 08. 04. 2020. godine, d o n i o

ODLUKU
O DOPUNAMA POSLOVNIKA O RADU
DOMA NARODA PARLAMENTA FEDERACIJE BOSNE I HERCEGOVINE

Član 1.

U članu 86. dodaju se st. 6. i 7. koji glase :

„U slučaju kad je proglašeno stanje prirodne i druge nesreće ili su nastupile okolnosti iz Poglavlja XXII. ovog poslovnika, Kolegij može predložiti predsjedavajućem da se sjednica Doma naroda, Kolegija, klubova naroda i radnih tijela održi online korištenjem informacijskog sistema koji podržava prijenos video konferencije ili aplikacija, programa i drugih elektronskih platformi za direktnu glasovnu i video komunikaciju.

Prilikom održavanja sjednice iz stava 6. ovog člana shodno se primjenjuju odredbe ovog poslovnika i osiguravaju potrebne tehničke pretpostavke za rad i odlučivanje.“.

Član 2.

Ova odluka stupa na snagu danom donošenja, a objavit će se u „Službenim novinama Federacije BiH“.

Broj: 02/02-763/20
Sarajevo, 08.04.2020. godine

Predsjedavajući
Tomislav Martinović

O B R A Z L O Ž E N J E

ODLUKE O DOPUNAMA POSLOVNIKA DOMA NARODA PARLAMENTA FEDERACIJE BOSNE I HERCEGOVINE

I. – USTAVNI OSNOV

Ustavnopravni osnov za donošenje ove odluke sadržan je u odredbama Amandmana XXXVI na Ustav Federacije Bosne i Hercegovine („Službene novine Federacije BiH“, broj: 16/02) i čl. IV.A.3.11. i IV.A.4.17. Ustava Federacije Bosne i Hercegovine.

II. – RAZLOZI ZA DONOŠENJE ODLUKE

Bosnu i Hercegovinu odnosno Federaciju Bosne i Hercegovine zahvatila je globalna pandemija te je Vlada Federacije BiH na 214. tematskoj sjednici, održanoj 16.3.2020.godine u Sarajevu, donijela Odluku o proglašenju nesreće uzrokovane pojavom koronavirusa (COVID – 19) na području Federacije BiH.

Kako bi Dom naroda Parlamenta Federacije mogao obavljati poslove iz svoje nadležnosti i zasjedati u novonastalim vanrednim okolnostima nužno je donijeti hitne izmjene Poslovnika o radu Doma naroda.

III. - OBRAZLOŽENJE PREDLOŽENIH RJEŠENJA

Predloženim dopunama Poslovnika nastoji se omogućiti rad Doma naroda Parlamenta Federacije BiH u iznimnim slučajevima uz korištenje savremenih načina i tehnologije prilikom održavanja sjednice kao i odlučivanja u Domu naroda Parlamenta Federacije Bosne i Hercegovinem, a primjenjujući najviše demokratske standarde, vladavinu prava te poštujući Ustav FBiH.

IV- FINANSIJSKA SREDSTVA

Za provedbu ovih dopuna Poslovnika o radu Doma naroda Parlamenta Federacije BiH, nije potrebno osigurati dodatna sredstva u Budžetu Federacije Bosne i Hercegovine.